

# „Romkemastate” bibuorke

## troch bruorren Van Vilsteren



By de lêste pleats dy't ik biskriuw we woe ha ik noch al hwat muoite hawn mei de namme. It wie in foar my bikende pleats der't yn myn bernejierren Wytze Dijkstra op wenne. Neidat ik yn 'e kunde kommen wie mei ien fan de tsjintwurdige boeren, de hear H. H. van Vilsteren en wy oer de pleats sieten to praten fortelde dy my dat de namme fan de pleats „Romkema State” wie.

Dit wie foar my hwat nijs, hwant op de list dy't ik makke hie oer âlde pleatsnammen yn 'e Bird kaem Romkema net foar. Ik bin letter wenei Ljouwert reizge, ha de floreen-en stimkohieren der opnij op neisjoen, mar gjin Romkema. Ik ha de kaert fan Eekhof rieplachte en dy jout oan de earste pleats fanôf de Pikmar-Eekema, dêrnei, Sytsema, dan Bernia en sa fierder, mar nearne Romkema.

Doe ha ik in dûk dien yn de atlas fan Halma út 1718 en dêr fyn ik as folchoarder fan pleatsnammen Erema, Romkema, Sytsema, Burnia en sa fierder.

Nou steane op de kaert fan Halma de pleatsen Romkema en Sytsema wol ticht byelkoar. As ik oan it fantasearjen gean is der yn it forline ien fan dizze pleatsen forkocht en it measte lân fan Sytsema is by it hûs en hiem fan Romkema kommen. Sadwaende is foar de bilesting, floreenkohieren „Sytsema” bisteau bleaun, mar yn 'e folksmûle de namme fan it âlde hûs Romkema

State en dat dêrom ek troch de tsjinwurdige biwenners dizze name noch brûkt wurdt.

De hear Van Vilsteren wist net folle to fortellen oer it forline fan de pleats. Hy buorke dêr mei syn broer G. M. van Vilsteren dy't trouw is mei G. Mulder.

Eigener is nou J. R. Kuipers te Soele en de pleats is 44 ha great. Dit lân leit om it hûs hinne en der wurde in 43 melke kij hâlden mei dêrjonken it jongfē

Neffens de floreenkohieren fan Groubin ik fan de ûnderstelling útgien, dat Romkema en Sytsema ien wurden binne. De eardere biwenners en eigeners fan de nû. 57 en 58 ha west: 1640 nû. 57 en 58 Beatrix van Laukema eignerske

1698. Nû. 57 en 58. Bysitter Gerardus fan Hanenburg eigener. Brûker fan nû. 57 Gerben Martens en fan nû 58 Tiete Willems

1708. Selde eigener en brûkers as yn 1698.

1718. Nû. 57 en 58. Dr. V. Geldern nom uxoris eigener. Brûkers as yn 1708.

1728. Nû. 57 en 58 C. van Scheltinga eigener. Brûker nû. 57 Hendrik Hendriks, nû. 58 Willem IJskes.

1738. Nû. 57 en 58 A. C. v. Scheltinga eigener. Brûker nû. 57 Hendrik Hendriks en nû. 58 Willem IJskes widd.

1748. Nû. 57 en 58 selde eigener as yn 1738. Brûker nû. 57 Hendrik Hendriks en nû. 58 Harm Rienks.

1758. Nû. 57 en 58 selde eigener as yn 1748. Brûker nû. 57 Jelle Hendriks en nû. 58 Harm Rinses.

1768. Nû. 57 en 58 selde eigener as yn 1758. Brûker fan beide nûmers Jelle Hendriks.

1778. Nû. 57 en 58 as yn 1768.

1778. Nû. 57 Grytman Jelle Hendriks van Scheltinga eigener. Jelle Hendriks brûker; nû. 58 selde eigener en brûker as nû. 57.

1798. Nû. 57 Old Grytman v. Scheltinga eigener. Douwe Rienks brûker; nû. 58 selde eigener. IJsk Zijtses brûker.

1818. Nû. 57 S. v. Haersma eigener. Auke Syttes Sytema brûker. Nû. 58 Ph. Vegelin v. Claerbergen eigener. IJsk Syttema brûker.

1828. Nû. 57 en 58 as yn 1818.

1838. Nû. 57 eigener as yn 1828. Brûker Hendrik Auke Syttema; nû. 58 as yn 1828.

1848. Nû. 57 mr. Cornelis Bergsma eigener. H. A. Syttema brûker.

Nû. 58 Fruchtbrûker Ph. E. A. Ve-

gelin van Claerbergen en mr. Cornelis Bergsma tot Idaerd, eigener. Brûker Klaas Durks Sybrandy.

1858. Nû. 57 eigener Klaas Fritzes de Vries. Brûker Hendrik Sytsema. Nû. 58 mr. Cornelis Bergsma tot Idaerd eigener. Brûker Adam G. Adamsma. (Adam Gantkes)

Oan't safier de floreenkohieren. Nije wike mear.

Yn myn foarich artikel ha ik it hawn oer de eigeners en biwenners fan dizze pleats.

Hoe lang de biwenners fan 1858, Klaas Durks Sybrandy, der wenne hat is my net bikend, mar yn myn bernejierren hie ik kunde oan in frou dy't as tsjininstfaem wenne hie op Romkemastate en dêrmei trouw wie. Dat wie plusminus 1890 en hja tsjinne doe by Lykle Haagsma dy't der doe boer wie. Hoe lang dy der wenne hat kin ik net sizze. Syn op-

folgers hawwe west : Wytse Dykstra, trouw mei Ann Haagsma, in dochter fan Lykle Haagsma. Letter ha Siebe Schouwstra en Asseltsje de Jong der buorke Jan v.d. Gaast en Aukje de Jong; Houke de Vries en Foekje Bakker; Anne de Vries en Aukje Cnossen en fan 1957 of G.M.v.Vilsteren, trouw mei W. Mulder, dy't der nou noch buorkje mei har broer H.H. van Vilsteren.

d.e.H.